

ՄԱՐԴԵՐԸ. ՎԱՍՊՈՒՐԱԿԱՆՈՒՄ

Վ. Մ. ՎԱՐԳԱՆՅԱՆ

Հայկական լեոնաշխարհը վաղ հայկական շրջանում դանազան ցեղերի ու տոհմերի մի խառնարան էր: Այս պայմաններում առաջացած միավորումը (Ուրարտու) չէր հանդիսանում մի ժողովրդի պետականություն: Այն բաղաժաթիվ ցեղերից մեկի իշխանությունն էր, ուստի վաղ թե ուշ պետք է իր տեղը զիջեր այլ կաղամավորման: Միանգամից չէր, որ կաղամավորվեց հայ ժողովուրդը: Դալատե էր այդ պրոցեսը և պետք է կարծել, որ ուրարտական պետությունը ևս դեր է խաղացել այդ դործում: Սակայն նորի (հայ ժողովրդի) ծնունդը պայմանավորեց հնի (Ուրարտուի) մահացումը: Հայկական լեոնաշխարհը, ճիշտ է, էթնիկական առումով դառնում էր միահար, սակայն այդ չէր նշանակում, թե այնտեղից իսպառ չքանում է տոհմա-ցեղային տարասեռությունը¹: Տիրաւ Մեծի օրոք հիմնականում ավարտված էր հայ ժողովրդի կաղամավորումը, սակայն Հայաստանում շարունակում էին մնալ ուրիշ ցեղեր և լեզուներ, որոնցից էին և մարդերը:

Երբ են մարդերը հաստատվել Հայաստանում: Անտիկ հեղինակները մարդերին համարում են մեդական պետության թափառակյաց ցեղերից մեկը: Պլինիոսի կարծիքով մարդերը ապրել են նաև Միջին Ասիայում՝ Բակտրիայում, Մարգիանայում և այլուր: Սա առիթ է տվել կարծելու, թե մարդերը Մարաստան են թափանցել Միջին Ասիայից²: Մարդերի ծագումը ցայսօր դիտությունը ստույգ հայտնի չէ: 605 թ. Մարաստանը Բաբելոնի զինակցությամբ տապալեց Ասորեստանը, իսկ 585 թ. նվաճեց Ուրարտուն: Մարաստանի տիրապետության պայմաններում Հայաստանում կարող էին հաստատվել մարա-պարսկական զանազան ցեղեր, որոնց թվում և մարդերը, մանավանդ որ, ինչպես վկայում է Քսենոփոնը, հայերը մարերի ոչ թե սոսկ հպատակները, այլև դաշնակիցներն էին³: Երբ Կյուրոսը նվաճեց Մեդիան, հպատակեցրեց նաև մարդերին⁴: Ծիշել է, որ չվորական կենցաղ վարող մարդերը Աքեմենյան պետության մեջ չունեին առաջատար դեր⁵, թեև տեղական ավանդությունը Կյուրոսին համարում է Ատրապատի անունով մի հովիվ մարդի որդին⁶: Մարդերին Հայաստանում առաջին անգամ հիշում է Քսենոփոնը, նշելով, որ երբ հունական 10 հազարանոց ջոկատն անցնում է Կենտրիտեսը, նրա վրա հայերի հետ հարձակվում են նաև

¹ Հավանաբար այդ տարասեռության հետևանք են բաղաժաթիվ հայկական բարբառները, որոնց մասին դեռևս IX դ. կեսերին հիշում է Թովմա Արծրունին (տե՛ս Թովմա Արծրունի, Պատմութիւն տանն Արծրունեաց, Թիֆլիս, 1917, էջ 203):

² W. Geiger, Ostiranische Kultur im Altertum, Erlangen, 1882, էջ 66.

³ Xenophon, Cyropaedia, II, London, 1960, էջ 136.

⁴ Justin Prašek, Geschichte der Meder und Perser, Gotha, 1906, էջ 201, М. Дандамаев, Иран при первых Ахеменидах, М., 1963, էջ 104—105.

⁵ Ferdinand Justi, Geschichte des alten Persiens, Berlin, 1879, էջ 18.

⁶ И. Дьяконов, История Мидии, М.—Л., 1956, էջ 417.

մարդերը, որոնց մատենագիրը խալդայների հետ անվանում է վարձկան ղորք⁷։ Հերոդոտի, Քսենոփոնի, Մովսես Խորենացու վկայություններից երևում է, որ հայերը ամուսնական կապեր ունեին մարերի հետ։ Այդ շրջանում հայերը որոշ չափով ենթարկվում են իրանական մշակույթի և բարբերի ազդեցությանը։ Ստրաբոնը ժամանակ մարդերը ավագակաբարո ցեղ էին և ապրում էին Պարսկաստանի լեռներում (Զագրոսում) և տափաստաններում։ Բայց մարդերը, Ստրաբոնի վկայությամբ, բնակվում էին նաև Հայաստանում⁸։ Որոշ հետազոտողների կարծիքով մարդերը քրդերին ազգակից ցեղեր են⁹, իսկ Հ. Մարկվարտի և Հ. Մանանդյանի կարծիքով՝ ուղղակի քրդական ցեղ¹⁰։

Մարդերը, լինելով վաչկատուն և ռազմատենչ ցեղ և գտնվելով դարգացման ավելի ստորին աստիճանի վրա, Հայաստան թափանցելուց հետո կարող էին օգտագործվել որպես վարձկան ղորք։ Քսենոփոնի ժամանակ Երվանդունիները նրանց օգտագործում էին դրսեկ ուժերի դեմ, ելնելով անշուշտ ոչ միայն հայերի, այլև դերակա դիրք ունեցող Իրանի շահերից։ Այլ էր Տիգրան Մեծի ժամանակ, երբ Պարսկաստանի ժամանակավոր թուլացման պայմաններում նա իր թագավորությանը միացրեց Ատրպատականը, այն դարձնելով Հայաստանին վասալ թագավորություն¹¹։ Պլուտարքոսի վկայությամբ Տիգրան Մեծի բանակում հիշվում են նաև մարդերը և մեղացիք, որոնք պատերազմում էին Ատրպատականի Միհրդատ թագավորի կողմում։ Վերջինս Տիգրան Մեծի փեսան էր և վասալը։ Երբ Լուկուլլոսը հարձակվեց Արտաշատի վրա, Տիգրան Մեծը նրա դեմ նետեց հայոց այրուծին, որի առաջին շարքերում էին գտնվում աղեղնավոր մարդերը և իբերները¹²։ Տակիտոսի հաղորդմամբ, երբ Կորբուլոնը Հայաստան արշավելիս անցնում էր ռալմիկ մառդ ցեղի երկրով, որը հոմեա-ցիներից պաշտպանված էր լեռներով, նրանք հարձակվեցին նվաճողների վրա։ Մարդերի դեմ Կորբուլոնն ուղարկում է իբերներին, որոնք ավերածության են մատնում նրանց երկիրը¹³։ 114 թ. Տրայանոսի ղորավարներից մեկը խուժում է մարդերի գավառը (Մարդաստանը)։ Հայաստանում իրանական ծագում է վերագրվում նաև Արշակունի, Ամատունի, Մուրացան, Դիմաքսյան և Կամսարական տներին։ Դրսեկ տոհմերը ևս հայանում էին, ինչպես բնաշխարհի տարալե-

⁷ Xenophon, Anabasis, M., 1897, էջ 109.

⁸ "The Geography of Strabo", London, 1954, էջ 245.

⁹ Վ. Տոմաշևի, Սառուն, Վիեննա, 1896, էջ 53, W. Geiger, նշվ. աշխ., էջ 203.

¹⁰ J. Markwart, Die Entstehung und Wiederherstellung der Armenischen Nation, Berlin, 1919, էջ 23; Նույնի՝ Sudarmenien und die Tigrisquellen, Wien, 1930, էջ 53; Հ. Մանանդյան, Վերականգնողական հայ ժողովուրդի պատմության, հատ. II, Երևան, 1945, էջ 70; Հ. Մանանդյանը իր կարծիքը փաստարկում է նրանով, որ հայ մասնագրություն մեջ երբեմն քրդերն անվանվում են «ազդ մարաց»։ Բայց Մարաստանում կային բազմաթիվ ցեղեր, ուստի «ազդ մարաց» հորջորջումը չպետք է միայն քրդերին վերադրել։ Միայն է «մար» և «մարդ» անունների նույնացումը, որպիսին կա Ա. Մաքրաստյանի մոտ (A. Saïrastian, Kurds, their Origin and History, London, 1928, էջ 16)։ Հայկական աղբյուրներում հիշվող մարերը մեղացիներն են, իսկ Հերոդոտի մոտ հիշվող մարերը հանդես են գալիս այլ միջավայրում՝ Կոլխերի և պոնտական ցեղերի հետ (հմմտ. И. Дьяконов, Предыстория армянского народа, Ереван, 1968, էջ 190)։

¹¹ N. Debevoise, A Political History of Parthia, Chicago, 1938, էջ 51; Հ. Մանանդյան, Տիգրան Բ և Հոմեդ, Երևան, 1940, էջ 47—48.

¹² Plutarch, Lives, London, 1959, էջ 374.

¹³ Կ. Տակիտոս, Երևան, 1941, էջ 88—89.

դու ցեղերը: Նրանց անունները պահպանվում էին տեղանունների մեջ: Մարդերի անուններով կազմված տեղանուններ են՝ Մարդաստան, Մարդաղի¹⁴, Մարդուցաբ, Մարդին¹⁵ (Մարդե) և այլն: Ուշագրավ է, որ հայերենում «մարդ» բառով կազմված անձնանուններ քիչ են (ընդամենը հինգ անուն) և այն էլ աղերս ունեն ոչ թե մարդ ցեղի, այլ պարսկերեն «marō» = «մարդ», «տղամարդ» բառի հետ¹⁶: Մինչդեռ մարդ ցեղի անունը ծագում է իրանական «marəda» («մարդասպան») բառից¹⁷: Մարկվարտը խուժի Մարաթուք տեղանունը (այժմ Մալաթ-դաղ) կապում է մարդերի անվան հետ¹⁸:

Մարկվարտի կարծիքով մարդերը բնակվում էին նաև Անձևացիքում¹⁹, ինչպես և Կասպքում (Մուրդաբ գետի մոտ, որտեղ եղող Ամուլ տեղանունը ծագել է amrd անունից և պահպանել մարդերի անունը)²⁰: Ն. Ադոնցի կարծիքով Քսենոփոնի ժամանակաշրջանի մարդերը ավելի վաղ են թափանցել Հայաստան և եկել են հյուսիսից՝ բնակվելով Մարդաղիում, իսկ Մարդաստանում ալդ ցեղն ավելի ուշ է հայտնվել և այն էլ Իրանի կողմերից²¹: Պետք է կարծել, որ մարդերը բոլոր դեպքերում Հայաստան կարող էին թափանցել իրանական աշխարհից և նրանց տարաբնակեցումը վկայում է միայն նրանց տոհմա-ցեղային տարասեռ, ջրված, անհամաժամանակյա վերաբնակության մասին: Մարդերի տոհմանունը ժամանակի ընթացքում փոխանցվեց նրանց վարած պաշտոնին, դառնալով տոհմի տիտղոսը, իսկ տոհմի ղլխավորը համապատասխանաբար անվանվեց մարդպետ, այսինքն մարդերի պետ: Հայ Արշակունիների արքունիքում մարդպետները մեծ ազդեցություն ունեին, ուստի նրանք հիշվում են «Հայր» վերագրիով («որում Հայր կոչեին», «Մարդպետ, որ անուանեալ կոչվր ըստ դործոյն Հայր թագաւորին» և այլն)²²: Երբեմն մարդպետների նախարարը անվանվում է սոսկ «Հայր» տիտղոսով, որպես հատուկ անուն: Մ. Խորենացուն հայտնի չէ, թե ինչու են «Հայր» կոչել: Պատմահայրը այն դիտե որպես հատուկ անուն:

Հայաստանում սկզբնապես մարդերը տալիս էին վարձկան զինվորներ, իսկ հետագայում, հայերի հետ ձուլվելուց հետո, նրանց տեղում համալրում էր

14 - a)li վերջածանցը ունի խուրի-ուրարտական ծագում և ցույց է տալիս տեղը, վայրը: Մարդաղի կնշանակի մարդերի գավառ: Նույն ձևով Մանանաղի, Դարանաղի և այլն (հմմտ. Г. Капанцян, Историко-лингвистические работы, Ереван, 1956, էջ 443—446):

15 Մարդինը բյուզանդական աղբյուրներում հիշվում է Μαροε, Μαροι: ձևով, որպես քաղաք և բերդ Դարայից հյուսիս-արևմուտք (նույնը տե՛ս Φεοφιλакт Симокатта, История, Москва, 1957, էջ 48, 49, 83 և հտ.):

16 Տե՛ս Հ. Աճառյան, Հայոց անձնանունների բառարան, հատ. 3, Երևան, 1946, էջ 242:

17 W. Geiger, նշվ. աշխ., էջ 203:

18 J. Markwart, Die Entstehung, էջ 23:

19 Նույն տեղում, էջ 24:

20 J. Markwart, Die Stgynnen (Caucasica, fasc. X, 1932, էջ 7—9):

21 Н. Адонц, Армения в эпоху Юстиниана, СПб, 1908, էջ 417:

22 Փավստոս Բուզանդ, Պատմութիւն Հայոց, Վենետիկ, 1914, էջ 58, 257, Ն. Ադոնցի կարծիքով Հայաստանում կային տոհմատիրական շորս հասկացություններ՝ «mamak», «aspet», «malxaz» և «ter», որոնք Հայաստան են մուծվել տարբեր երկրներից և նշանակում են տոհմի ղլխավոր: Տոհմատիրական շրջանից մնացած «mamak» բառը Ադոնցի կարծիքով կապվում է Մամիկոնյան տան հետ և նշանակում «այր», ինչպես վրաց «մամա» «հայր» բառը, բանի որ Մամիկոնյանները ճենական (ճանական-լազական) ծագում ունեին (Н. Адонц, նշվ. աշխ., էջ 402—403):

հայոց զորքի շարքերը, ինչպես մյուս տոհմերը, Հայոց Արշակունիները մարդ-պետներ, տոհմը դարձրել էին առաջնակարգ և առանձնահատուկ վստահություն վայելող նախարարություններից մեկը։ Նրանց իրավասությանը ենթակա էին հայոց թագավորների կանանոցի և արքունիքի վերակացությունը, թագավորական ամրությունների ու բերդերի պահպանությունը, արքունի գանձերի, կալվածների, հանդերձարանի հսկողությունը։ Այս պարտականությունների կատարման բերումով մարդպետներից էր համալրվում արքունի պահակազորը, որի ընտիր մասը կազմում էր թագավորի և թագուհու թիկնազորը։ Այսօրինակ գործառնություններն էին մարդպետների գերազանցիկ դիրքի հիմնական պատճառը։ Օգտվելով այդ դիրքից, մարդպետները հակադրվում էին հայոց մյուս նախարարություններին, մրցակցելով նրանցից զորեղագույնների հետ։ Մ. Խորենացին գանգատվում է, որ չգիտե մարդպետների պատմությունը, քանի որ այն «ունի իշխանական» է, թեև պատմահայրը այդ տոհմի մասին ունի ուշագրավ տվյալներ։ Մ. Խորենացին Մարդպետներին համարում է մեր հին թագավորների պարմից²³։ Պատմահորը հայտնի էր հայոց Արշակունիների պարթևական ծագումը, իսկ մարգերը ևս իրանական աշխարհից էին եկել, հանգամանք, որը ևս չէր կարող հայտնի չլինել։ Այս հիման վրա է, որ Արշակունիները և Մարդպետները նրա մոտ ներկայացված են որպես ազգակիցներ։ Առաջին հայ Արշակունիները, խորթ լինելով հայ միջավայրին ու բարբերին, չէին կարող լիովին վստահել հայերին և հենվել նրանց վրա։ Կասիուս Դիոնի վկայությամբ՝ յեպի Հռոմ Տրդատ Ա-ի ուղևորության ժամանակ նրան ուղեկցում էր պարթևներից բաղկացած թիկնազորը²⁴։ Պարթև Արշակունիները, վստահելով բոլոր ցեղերին, իրենց բանակում պահում էին սկյութներից բաղկացած վարձկան զորամասեր²⁵։ Հայ Արշակունիները հենվում էին մարգերի վրա։

Հայաստանում քրիստոնեության մուտքից հետո հայ Արշակունիները ավելի մերվեցին տեղական միջավայրին, մանավանդ որ նրանց հակառակորդ Սասանյանները նոր կրոնի հանդեպ ունեին անհաշտ մոտեցում։ Մարգերը ևս քրիստոնեություն են ընդունում։ Ազաթանգեղոսը հիշում է մարգերի եպիսկոպոսին։ Մարդպետների տոհմը նրա մոտ եղած գահացանկում բռնում է երրորդ տեղը²⁶, հանգամանք, որը վկայում է նրանց բարձրագույն դիրքի մասին։ Քրիստոնեության ընդունումից հետո էլ մարգերին և հայ Արշակունիներին մերձեցնող հանգամանք էր մնում նրանց իրանական ծագումը, որը թեև վերհուշ էր, բայց ավանդության ուժով պահպանում էր իր միացնող դերը։ Տիրան թագավորի օրոք, ասում է Փավստոսը, «այր մի անօրէն և այսամուտ, որ աւելի ընդ ազգս նախարարացն գրգռէր զթագաւորն Տիրան։ Այս ինքն, որ ուներ զպատին մեծի մարդպետութեանն, այր ներքինի՝ շարասիրտ շարախորհուրդ շարագորն, որում Հայր կոչէին։ Զբաղումս ի նախարարացն ետ քսութեամբ առանց վնասու կոտորել և խանդարեաց զմեծ տէրութիւն թագաւորութեանն»²⁷։

²³ Մ ո վ ս ե ս Խ ո Ր Ե Ն Ա Յ Ի, Պատմութիւն Հայոց, Թիֆլիս, 1913, էջ 105։

²⁴ „Dios Roman History“, VIII, London, 1955, էջ 138։

²⁵ Г. А. Кошелевко, Внутривосточная борьба в Парфии, ВДН, 1963, № 3, էջ 65։ Այս զորամասերը մեծ դեր ունեին պարթևների բաղադրական կյանքում։ Ստրաբոնը հաղորդում է, որ սկյութ էր նաև Պարթևական դինաստիայի հիմնադիր Արշակը։

²⁶ Ա Շ ա Բ ա ն գ ե Ղ Ո Ս, Պատմութիւն Հայոց, Թիֆլիս, 1882, էջ 461—462։

²⁷ Փ ա վ ս տ ո ս, էջ 67—68։

Այս որակումը, որ արդյունք է կողմնակալ պատմիչի արած ղեղման, վկայում է, որ Մարդպետներն ու Արշակունիները համադրոժակցիլ են ընդգծմ նախարարությունների Մարդպետների հանդեպ դիմագիր դիրքավորում ունեցող Մամիկոնյանների, այլև հոգևորականության կողմնակից Փավստոս Բուզանդը վատարանում է Մարդպետներին, թեև խիստ որակումներում անգամ բացահայտում է այդ տոհմի մեծ դերը Փավստոսի վկայություններից երևում է, որ մարդպետությունը դերադրեցիկ գործակալություն էր և միաժամանակ տիտղոս («Այս գործակալութիւն եւ մարդպետութիւն, որում հայրն կոչէին»)՝²⁸ Փավստոս Բուզանդի այն խոսքերը, թե մարդպետությունը «ներքինեաց գործ լիալ էր ի բնէ ժամանակաց ի թագաւորութեանն Արշակունոյ»²⁹, ամենևին չի վկայում, թե Մարդպետները անխտիր ներքինիներ էին։ Պետք է կարծել, որ նրանցից ներքինիներ էին հեթանոսական Հայաստանում և այն էլ միայն հայոց թագավորների կառնանոցի և հանդերձարանի վերահսկողները։ Քրիստոնեությունը վարչ դրեյ կանանոցի և ներքինիների ինստիտուտին։ Մարդպետների բարձր դերը երևում է նաև Ագաթանգեղոսի և Փավստոսի այլ վկայություններից։ Երբ Տրդատ Դ-ն հավարում է նախարարներին, նրանց մեջ երրորդ տեղում հիշվում է «մարգուկտության իշխանության իշխանը», ռալմա-ստրատեգիական կարևոր դեր ունեցող Ադանիբի բղեխից և Անգեղ տան իշխանից հետո³⁰։ Ագաթանգեղոսի հունարեն և արաբերեն օրինակներում էլ նույն ձևով է, թեև այնտեղ մարդպետություն անունը բացակայում է, և այդ նախարարության փոխարեն գրված է «իշխանության տերը, կուլեցյալն պատրիկ»³¹, հանգամանք, որը դարձյալ վկայում է նրանց գերակա դերի (պատրիկություն) մասին։ Պապ թագավորի սպանությունից հետո, ասում է Փավստոսը, հավաքվում են «Հայոց մեծամեծք ի մի վայր ի մասին, և Մուշեղ սպարապետն, և Հայր մարդպետ, և ամենայն իշխանը»³²։ Ինչպես տեսնում ենք, Մամիկոնյանների ու Մարդպետների, որպես աղդեցիկ տոհմերի գլխավորներ հիշվում են առաջին տեղում։

Մարդպետների կալվածքները հիմնականում հետագայի Վասպուրական նահանգում էին։ Թվիլով X գ. սկզբի Վասպուրական նահանգի գավառները, Թովմա Արծրունին չի մոռանում հիշատակելու, որ այդ գավառներից «յառաջին ժամանակս իւրոյ իշխանութեանն սևիհականս իւր արարեալ ուներ հայրն նենգութեան Մարդպետն կոչեցեալ...»³³։

Արշակունյաց թագավորության շրջանում հետագայի Վասպուրականի տերիտորիայում չկար մեկ տոհմի անբաժան տիրապետություն, այնտեղ գոյություն ունին մի քանի նախարարություններ, որոնցից գլխավորներն էին Արծրունիները, Մարդպետները և Ռշտունիները։ Այս տոհմերից, անշուշտ, կախում ունեին Վասպուրականի մյուս նախարարները, որոնք անհրաժեշտ պարագաներում միախմբվում էին նրանց շուրջը։ Ավատատիրական կացությամբ, որ են-

²⁸ Նույն տեղում, էջ 68, 257։

²⁹ Նույն տեղում, էջ 261։ Խորենացու վկայությամբ Վաղարշակ թագավորը մարդպետներից ղորագնդեր կարգելուց հետո «ներքինիս հրամայէ ի նոյն ազգէ (իմա՝ Մարդպետներից—Վ. Վ.) խղել» (Խորենացի, էջ 105)։

³⁰ Ագաթանգեղոս, էջ 461։

³¹ Ա. Տեր-Ղևոնդյան, Ագաթանգեղոսի արաբական նոր խմբագրությունը, Երևան, 1968, էջ 88—89։

³² Փավստոս, էջ 295։

³³ Թովմա Արծրունի, էջ 404։

Թաղրում է նաև վասալական աստիճանավորում, զուրկ չէր համակենտրոնացման տենդենցից, թեև բուն այդ կացութեան հիմքում ընկած էին ֆեոդալական ապակենսարոնացումը և ցրվածությունը: Այս պարագաներում Մարդպետները, զորավիգ լինելով Արշակունիներին, օժանդակում էին նրանց կենտրոնացնող ջանքերին: Հիմնականում սրանով պիտի բացատրել այդ տոհմի մեծ ազդեցությունը Արշակունյաց արքունիքում: Բայց այդ ազդեցությունը միշտ չէ, որ դեր ունիր հայ նախորարների միջավայրում: Մարդպետների հետ մրցակցում էր թե՛ աշխարհիկ, և թե՛ հոգևոր ազնվականությունը: Այս մրցակցությունը ոչ միայն բաղադրական, այլև հաղթանակալից-կալվածային բնույթ ուներ: Թերևս հայ իշխանների հետ մրցակցության հետևանք էր նաև Մարդպետների տիրույթների ցրված լինելը: Հայոց թագավորներին համագործակցելը բխում էր հիմնականում ոչ թե Արշակունիների, հայոց թագավորության հանդեպ ունեցած նվիրվածությունից, այլ Մարդպետների բուն նպատակներից՝ հենվելով հայոց թագավորների վրա, ընդլայնել իրենց կալվածքները, քաղաքական կշիռը: Հայ հոգևորականության դեմ մղած պայքարը ևս նույն նպատակներն էր հետապնդում: Արշակ Բ-ի սոռք Մարդպետների համագործակցությամբ փորձ արվեց հայոց եկեղեցու ուղծացած կալվածքները որոշ շափով կրճատել հօգուտ արքունիքի, սակայն այդ ուղղությամբ արված առաջին փորձը ի դերև ելավ: Եկեղեցական տիրույթները արքունիքի օգտին գրավել սկսած մարդպետը սպանվեց հոգևորականության դավով, և հայոց թագավորը այլևս չդիմեց եկեղեցական բարեփոխության:

Մարդպետների դորև մրցակիցն էին նաև Արծրունիները: Ընդ որում Արշակունիների և Մարդպետների համագործակցությունը և Մարդպետների պայքարը Արծրունիների դեմ դորև խթան հանդիսացան IV դ. վերջիններիս հակաարշակունի և պարսկամեա քաղաքականության համար: Եթե Մարդպետները հենվում էին հայոց Արշակունիների վրա, ապա Արծրունիները, ի հակակշիռ նրանց, փորձում են հենվել Սասանյանների վրա: Մյուս կողմից Պարսից արքունիքը, ջանալով քրիստոնյա Հայաստանը կտրել հավատակից Բյուզանդիայից, հենվում է Արծրունիների վրա: Այստեղից էլ հայոց գահին նստելու Արծրունիների հավակնությունները, որոնք, սակայն, չէին կարող իրականանալ տվյալ պայմաններում: Պարսից քաղաքականությունից հուսախաբված Արծրունիները երես են թևում Սասանյաններից և համագործակցում նրանց ներհակող ուժերին: Հայոց թագավորության վերացումից հետո Պարսկաստանն արդեն անմիջաբար սպառնում էր հայոց նախարարների, այդ թվում Արծրունիների և Մարդպետների ինքնավար վիճակին: Մյուս կողմից Մարդպետները իրենց հենարան Արշակունիների անկումից հետո մղվում են հետին պլան: Սասանյանները, հարքունիս գրավելով հայոց Արշակունիների կալվածքները, Մարդպետներին ևս զրկում են իրենց տիրույթներից: Արշակունիների պես Մարդպետները, զրկվելով կալվածքներից, մարդպետության շրջանում կորցնում են իրենց երբեմնի դիրքերը, դիմազրկվում են, մանավանդ որ Հայաստանում շունինն աշնպիսի խոր արմատներ, որպիսիք ունեին Արծրունիները: Պայքարը Արծրունիների և Մարդպետների միջև, որը երբեմն արյունոտ բնույթ էր կրում, նոր պայմաններում մարում է և դառնում անիմաստ: Զրկված լինելով Արշակունիների հովանավորությունից և նրանց արքունիքում վարած հույժ կարևոր պաշտոններից, Մարդպետները բարվոք են համարում միավորվել Արծրունիների հետ, հանգամանք, որը թելադրվում էր նաև պարսից տիրա-

պետությունը համատեղ դիմակայելու ընական մղումով: Կարծել, թե Մարդպետների տիրույթներն անցան Արծրունիներին, սխալ է: Ֆեոդալական սուրբորդինացիայի շրջանակներում տեղի է ունենում այս տոհմերի միավորումը, որն ավելի է ուժեղացնում Արծրունիների դիրքերը: V դ. արդեն այս տոհմում հիշվում են երկու ճյուղ³⁴, իսկ 451 թ. ազատագրական պատերազմի մասնակից Մերշապուհ Արծրունուն Ղազար Փարպեցին անվանում է «մարդպետ»³⁵: Մարդպետներն այլևս ինքնուրույն հյանդես չեն դալիս, այլ Արծրունիների հետ 451 թ. նրանք Արծրունիների հետ պայքարում են պարսիկների դեմ: Գահնամակում, որը կազմված է Արշակունիների անկումից հետո (իհարկե, նախարարական գահակարգը ավելի վաղ է գոյություն ունեցել), Արծրունիները հիշվում են երեք անգամ, ընդամենը առաջին դեպքում՝ երրորդ տեղում, այն դեպքում, երբ Մարդպետները չեն հիշվում ոչ մի անգամ: Մինչդեռ Մարդպետների տոհմը Ազաթանդեղոսի մոտ հիշվում է երրորդ տեղում, իսկ Արծրունիները՝ 16-րդ տեղում: Խորենացու մոտ Արծրունիները յոթերորդ տեղում են, իսկ Մարդպետները՝ վերջին տեղում³⁶: Փարպեցու մոտ ևս Արծրունիները հիշվում են երրորդ տեղում, իսկ Մարդպետները չեն հիշվում: Բարձակալություն անկախությունը հետևանք էր քաղաքական հեղհեղուկ և տարապայման իրավիճակի: Հայոց Արշակունիների անկումից հետո Սասանյան արքունիքը սեփական հայեցողությամբ վերակարգում էր նախարարական դուհերը, նախապատվություն տալով պարսկամետ տարրերին:

Նոր պայմաններում, Մարդպետները, որպես առանձին նախարարություն դադարեցին գոյություն ունենալուց, նրանց հիշատակը պահպանվեց միայն որոշ տեղանուններում և ավանդության ոլորտում:

Մարդպետների կալվածքները տնօրինվում էին Սասանյան արքունիքի կողմից, ի շարս այլ կալվածքների, վերստանալով «Սեպհական» կամ «Վասպուրական» ձևը: Մարդպետական անունը մնաց նաև որպես եպիսկոպոսական թեմի անուն: Սակայն ոչ միայն Մարդպետականը, այլև ուրիշ գավառներ (Աղիովիտ, Առբերանի, թերևս նաև Գառնի և այլն) դարձան Սասանյանների արքունի սեփականությունը: Հիշյալ գավառները հայոց թագավորների արքունի սեփականությունն էին տակավին Արտաշեսյանների և ապա Արշակունիների օրոք: Խորենացու վկայությամբ Աղիովիտ, Առբերանի և Հաշտյանք գավառները Արտաշեսյանների ժամանակ արքունի կալվածքներ էին, որտեղ ընակվում էին թագավորական տան անդամները: Արտավազդ Ա-ն, ասում է

34 Եղիշե, Վասն Վարդանայ և Հայոց պատերազմին, Երևան, 1957, էջ 99—100, 193: Ղազար Փարպեցի, Պատմութիւն Հայոց, Բիֆլիս, 1907, էջ 160, 185:

35 Ղազար Փարպեցի, էջ 152: Մարդպետը նույն Մերշապուհ Արծրունին էր, իսկ Մերշապուհը նույն Ներշապուհն է: Երբ Փարպեցին հիշում է մարդպետական այբուբենը, մարդպետին չի հիշում որպես նրա զորագլուխ: Ներշապուհը Մերշապուհի ազգականը ձև է, իսկ Մերշապուհն էլ ծագում է Միհրշապուհից: Փարպեցին միայն մի անգամ է հիշում Միհրշապուհ ուղիղ ձևը: Նդիշեի մոտ բոլոր հինգ դեպքերում էլ Արծրունյաց իշխանը հիշվում է Ներշապուհ ձևով, իսկ Թովմա Արծրունին նույն Ներշապուհին հիշում է Մերշապուհ և Մերշապուհ ձևերով, բայց ոչ երբեք Ներշապուհ ձևով (Թովմա Արծրունի, էջ 141, 146): «Գիրք թղթոցի» Մերշապուհ եպիսկոպոսը (էջ 52) Գիեզեսիս-ում հիշվում է Ներշապուհ ձևով (տես էջ 2: Բարթիկյան, «Narratio de rebus Armeniae» հունարեն թարգմանությամբ մեզ հասած մի հայտնի լեզվական սկզբնաղբյուր, «Բանբեր Մատենադարանի», 1962, № 6, էջ 464):

36 Խորենացի, էջ 104—105: Ուխտանեսի մոտ Արծրունիները 3-րդ տեղում են (Ուխտանեսի եպիսկոպոս, Պատմութիւն Հայոց, Վաղարշապատ, 1871, էջ 40):

պատմահայրը, «հալած է յԱյրարատու դամենայն եղբայրս իւր ի գաւառս Աղիովտայ և Առբերանոյ»³⁷։ Ուրեմն հիշյալ գավառները, որպէս արքունի սեփականութիւն, հայոց թագավորը բաժին է հանել եղբայրներին։ Տիգրան Մեծի օրոք նրա ազգակիցները, որ բնակվում էին Հաշտյանքում, արքայից խընդրում են ընդարձակել իրենց կալվածքները, պատճառաբանելով՝ «զի նեղ է քանդի բաղմացաք», իսկ Տիգրան Ա-ն «հրամայէ ոմանց ի նոցանէ երթալ ի գաւառն Աղիովտի և Առբերանոյ»³⁸։

Արշակունյաց հարստութեան ժամանակ Արքունի ոստան էին ոչ միայն հիշյալ գավառները, այլև Այրարատը, Աղձնիքը, Գողթնը և այլն։ Հայտնի է, որ Արշակունյաց բուն ոստանում (Այրարատի կենտրոնական շրջաններում) կարող էին բնակվել միայն թագավորն ու թագաժառանգը, իսկ արքունի ոստան համարվող մյուս գավառներում՝ արքունի տան մյուս անդամները։ Հետևաբար Առբերանի, Աղիովտի, Գողթնի ու Գառնի գավառները, որպէս թագավորական տան սեպուհների սեփականութիւն, պիտի կոչվէին «Սեպահական»։ «Սեպուհական» անուններով։ Ընդամենն արքունի այս կալվածքները կարող էին կոչվել ոչ միայն «Սեպահական», «ոստան», այլև «Վասպուրական» անուններով։ Հնդեվրոպական ծագմամբ այս բառերը իմաստով մոտ են իրար և հայերենին են փոխանցվել պարսկերենից։ «Սեպուհ» — տան, տոհմի որդի բառը ծագում է ղենդական «viso-pudra» — «իշխանական տան որդի» կամ պահլավերեն «vispuhr», «vispus» = «իշխան» բառերից։ «Viso-pudra»-ն հայերենում պիտի դառնար վիսահպուհ կամ վիսեպուհ, որը կորցնելով իր առաջին վի վանկը, դարձել է «սեպուհ»³⁹։ Ուրեմն «սեպուհ»-ի նախնական ձևը Վ-ով է սկսվում, ինչպէս «Վասպուրական» բառն է։ Ընդամենն «Վասպուրական» ևս ծագում է նույն «viso-pudra» բառից։ «Վասպուրական»-ը ևս երբեմն կորցրել է «վ» տառը, վերածվելով «Ասպուրակ»-ի, ինչը հանդիպում ենք Փավստոս Բուղանդի մոտ։ Հ. Մարկվարտի կարծիքով «Ասպուրակ» բառը «Վասպուրակ(ան)» բառի հելլենականացված ձևն է⁴⁰։

«Ասպուրակ» անունը պահպանվել է նաև IV—VII դարերի հայոց եկեղեցու պատմությունը շարադրող մի աղբյուրում, որը մեզ է հասել հունարեն թարգմանությամբ և հայտնի է «Διγί.η.ζ.ε.» կամ «Narratio de rebus Armeniae» անունով։ Այս աղբյուրում ի շարս հայոց եկեղեցու այլ մեծերի, հիշվում է նաև «Փառներսեհ՝ Աշտիշատ գյուղի Ասպրակոնից»⁴¹։ Նկատենք, որ նույն Փառներսեհը Փավստոսի մոտ հիշվում է Փառեն, իսկ խորենացու մոտ՝ Փառներսեհ անունով։ Ժ. Գարիտի կարծիքով «Ասպրակոն» բառը «αρχαρχων» («ազարակներ») բառի աղավաղված ձևն է⁴²։ Սակայն այսպիսի մեկնաբան-

³⁷ Խորենացի, էջ 189։

³⁸ Նույն տեղում, էջ 191։

³⁹ Հմմտ. Ն. Մառ, Հայոց «սեպուհ» և վրացոց «սեփե» բառերի ստուգաբանությունը, «Հանդես ամսօրյա», 1892, էջ 165։ Հ. Աւագյան, Հայերեն արմատական բառարան, հատ. 2, Երևան, 1932, էջ 187։

⁴⁰ J. Markwart, Die Entstehung der Armenischen Bistümer, Roma, 1932, էջ 207։

⁴¹ G. Garritte, La Narratio de rebus Armeniae, édition critique et commentaire. Corpus scriptorum christianorum orientalium, vol. 132, subsidia, t. IV, Louvain, 1952, էջ 27։ Նույնը տե՛ս Հ. Բարթիկյան, «Narratio de rebus Armeniae» հունարեն թարգմանությամբ մեզ հասած մի հայ-քաղկեդոնական սկզբնաղբյուր, էջ 160։

⁴² «La Narratio de rebus Armeniae», «Բանբեր», էջ 59—61։

նությունը իրական հիմք չունի։ Նույն աղբյուրում կա «Ասպուրակոն»-ի մի տարբերակ՝ «*Ἀσπυριανόν*»՝ ձևով⁴³, ինչը նույնպես հուշում է «Ասպուրակ»- «Վասպուրակ(ան)» աղերսի մասին։ Ն. Ադոնցի կարծիքով «Ասպուրակ»-ը հայոց լեզվում ավելի նախնական է, քան «Վասպուր»-ը⁴⁴։ Սակայն «Ասպուրակ»-ը կապված է ավելի ուշ շրջանի՝ հունական աղբյուրության հետ, ուստի ժամանակի առումով նախապատվությունը պիտի տալ «Վասպուր»-ին։ Վ. Հենինգի կարծիքով «Վասպուր» չի նշանակում «արքայազն», «իշխանազն», այլ՝ «առանձահատուկ, մասնավոր դիրք ունեցող», ըստ այսմ էլ «Վասպուրական» քաղը նշանակել է «հատուկ դիրք ունեցողներ» (իմա՝ ավագանի)։ Նույն տերմինը նշանակել է նաև թագավորի «հատուկ, մասնավոր ունեցվածքը», «անձնական կալվածքը», ինչը հանդիպում է Նախշի-ռուստեմի արձանագրության մեջ, ուր աջդպես է կոչվել Սպահանի շրջակայքը։ Արաբական «խաս» կամ «մալի խաս» բառը («հատուկ, մասնավոր ունեցվածք») նույնական է համարվում «Վասպուրականի» հետ⁴⁵։

Ա. Փերիխանյանի կարծիքով պահլավերեն դատաստանագրքում «Վասպուրական» տերմինն ունի ոչ միայն թագավորի «մասնավոր ունեցվածք», այլև ընդհանրապես «մասնավոր ունեցվածք» իմաստը։ Նույնն է արտահայտում նաև հիշյալ դատաստանագրքում «Վասպուրական»-ին զուգահեռ օգտագործվող «*pēšikān*» բառը, որը իմաստով համապատասխանում է հայերեն «պատականնը», «սեպհական» բառերին⁴⁶։

Հայ մատենագրության մեջ «Վասպուրական» տերմինը առաջին անգամ հիշվում է Մովսես Խորենացու մոտ՝ «Նախարարս Վասպուրականի» ձևով⁴⁷։ Այստեղ «Վասպուրական» ասելով չպետք է հասկանալ հետագա նահանգը, այլ հավանաբար Մարդաստան, Աղիւ վիտ, Առբերանի և թերևս նաև Գառնի գավառները։ Ստրաբոնի հիշատակած Բասորոպեդիան կապ չունի հետագայի Վասպուրական նահանգի հետ, թեև Հ. Կիպերտը, Հ. Գելցերը, Հ. Մարկվարտը, Ղ. Ինճիճյանը և Հ. Մանանդյանը հակառակն են կարծում։ Հ. Հյուբշմանը իրավացիորեն մերժում է այս տեսակետը⁴⁸։ Վասպուրական նահանգը ձևավորվել է VI դ. վերջին տասնամյակում։ «Դիեգեսիսում» հիշարժան վկայություն կա այս մասին։ Մավրիկիոս կայսրը (602—610) իր մոտ է հրավիրում հայոց բարձր հոգևորականությունը։ Նրան մերժողների թվում են նաև «Վասպուրական աշխարհի եպիսկոպոսները»⁴⁹։ Նահանգի Վասպուրական անվանը զուգահեռ հիշվում է «Սեպհական» անունը, որը նույնն է, ինչ «Վասպուրականը»։ Այս երկու անունները հոմանիշներ են նաև Սեբեոսի մոտ և նահանգի վրա պետք է տարածված լինեին հավանաբար V դ. աղատագրական պայքարից հետո Հայաստանում տեր ու տնօրինություն անող պարսից ազնվականների (վասպուրների, սեպուհների) անունից։ Պահլավերեն Վասպուրական նշանակում

⁴³ G. Garrille, Un nouveau Manuscrit de la „Narratio de rebus Armeniae“, Louvain, 1958, էջ 231։

⁴⁴ Н. Адонц, *նշվ. աշխ.*, էջ 401։

⁴⁵ Տե՛ս А. Г. Периханян, Armeno-Iranica I (ՀՍՍՀ ԳԱ «Տեղեկագիր» (հաս. գիտ.), 1963, № 11, էջ 91)։

⁴⁶ Տե՛ս նույն տեղում։

⁴⁷ *Խորենացի*, էջ 192։

⁴⁸ Հ. Հյուբշման, Հին հայոց տեղվո անունները, Վիեննա, 1907, էջ 93։

⁴⁹ „La Narratio de rebus Armeniae“, էջ 40։

էր բարձր ազնվականությունը, հատկապես յոթ նշանավոր տոհմերը⁵⁰, որոնք ունեին նաև իրենց սեպուհները: Սերբոսը հիշատակում է, որ պարսից խոսքով արքան մեծ գանձով («գանձ ուղտանք բաղմաւք») Հայաստան է ուղարկում «Վասպուրական համարակարին»⁵¹, որը նշանակում է ազնվականներից (տըվ-յալ դեպքում՝ հայ) հարկը հավաքող⁵²: Ի՞նչ էր տեղի ունեցել, որն ստիպում էր այդպես վարվելու: Խոսքով արքան տեսնելով, որ բյուզանդական կայսրից դժգոհ են շատերը, «արձակոյր ի Հայս զՎասպուրականն Համարակարն հանդերձ գանձու բաղմաւ և մեծամեծ պատուովք. դի այնպէս նուաճեալ ածցէ զնոսա ի ծառայութիւն իւր»⁵³: Ատրպատականի սահմանագլխին պարսից հարկահաններին դիմավորում են հայ իշխաններ, իրենց մեջ Վասպուրականից հիշվում են միայն Ամատունյաց և Տրպատունյաց իշխանները, իսկ Արծրունիները չկան⁵⁴:

Հայ մատենագիտության մեջ VI դ. վերջից հանդես եկող «Սեպհական գունդ»-ը, որ իրոք Վասպուրականն է, հաստատվում է ամենից առաջ Սերբոսի⁵⁵, այլև «Գիրք թղթոցի» տվյալներով, թեև Ալիշանը, Հյուբշմանը, Ադոնցը չեն խոսում այս աղբյուրի մասին⁵⁶: «Գիրք թղթոցում» նույնպես «Սեպհական գունդը» նույնական է Վասպուրականի հետ: Այսպես, թվելով հայոց եպիսկոպոսների անունները, «Գիրք թղթոցը» Վասպուրականի ոչ մի դավառի եպիսկոպոսի չի հիշում. բացի Անձեացիքից, հանգամանք, որ վկայում է, որ վերջինս հանդես էր գալիս Վասպուրականից անջատ: Մինչդեռ Վասպուրականի մնացած դավառները ներկայացնում է «Սեպհական գնդի եպիսկոպոս» Թեոդորոսը⁵⁷: «Գիրք թղթոցում» Մարդպետական և Արծրունի եպիսկոպոսները նույն անձն են⁵⁸: «Սեպհական գունդ»-ը զուտ հայկական արտահայտություն է և սկզբնապես ունեցել է միայն արքունի դռան պահապան գնդի իմաստ: Խոսելով հայոց Վաղարշակ (իմա՝ Տրդատ Ա) թագավորի մասին, Խորենացին նշում է, որ նա «զուրգ» և պահապանս դրան արքունի պատրաստէ զշորսս», որոնց զինվոր-

⁵⁰ Տե՛ս H. Hubschmann, Armenische Grammatik, Leipzig, 1895, էջ 80:

⁵¹ Սերբոս, Պատմութիւն ի Հերակն, Թիֆլիս, 1913, էջ 76—77:

⁵² Հ. Հյուբշմանը (Armenische Gram., էջ 80—81) կարծում է, թե «Վասպուրական համարակար» նշանակում է «Վասպուրականից հարկը հավաքող»: Սակայն Սերբոսի մոտ եղած տվյալներից հակառակն է բխում: Ուշագրավ է, որ Թ. Արծրունին մեծ մասամբ գործ է ածում «Վասպուրական իշխան», «Վասպուրական ազատանի», «Վասպուրական տերություն» և համարնույթ այլ ձևեր (Թոժմա Արծրունի, էջ 188, 224, 232 և հտ.):

⁵³ Սերբոս, նշվ. աշխ., էջ 76:

⁵⁴ Նույն տեղում, էջ 77:

⁵⁵ Հմմտ. Գ. Փառնակ, Հայ նախարարությունները, «Անահիտ» մասագիր, Փարիզ, 1907, № 1—2, էջ 21: Բ. Ավդալբեկյան, Հայագիտական հետազոտություններ, Երևան, 1969, էջ 141—145:

⁵⁶ Ալիշանի կարծիքով «Կողմն Սեպհական գնդին» Մարդաստանն է (Այրարատ, Վենետիկ, 1896, էջ 420): Հյուբշմանը այն նույնացնում է Տուրուբերանի հետ («Հին հայոց տեղվո անուններ», էջ 81—82), իսկ Ադոնցը՝ Մարդպետականի (=Մարդաստանի) հետ (H. Adonci, նշվ. աշխ., էջ 318—320): Ընդամին «Գիրք թղթոցի» կազմողները ևս նույնն են ընդունել, ազդվելով անշուշտ Ալիշանից, թեև «Գիրք թղթոցի» մեջ եղած տվյալները կովան չեն կարող ծառայել դրան:

⁵⁷ «Գիրք թղթոց», Թիֆլիս, 1901, էջ 151:

⁵⁸ Նույն տեղում, էջ 70, 73, 76, 81: Մարդպետական եպիսկոպոսական աթոռը մինչև X դ. սկիզբը գտնվում էր նախնավանում, ապա տեղափոխվեց Մարդաստանի Համրույրազան գյուղը (տե՛ս Թոժմա Արծրունի, էջ 386—387):

ները ծնողներից յառանգում էին գյուղեր և դաստակերտներ: Բայց վերջերս, պարսից թագավորի ժամանակ,—ասում է պատմահայրը,—«յայլոց յարուցեալ գունդս և բստան անուանել. ոչ դիտեմ, թէ վասն սպառելոյ աղգին առաջնոյ, թ' վասն ընդդիմութեան իրիք լինելոյ շկապեալ և ի բաց ընկեցեալ զաղգն, զայս ի տեղիս նոցա յարուցին գունդս անուամբ արքունի»⁵⁹: Հայ Արշակունիների շրջանի արքունի գնդերը կարող էին կոչվել նաև «սեպհական գնդեր» անունով. դրանք համալրվում էին հիմնականում արքունի ոստան («սեպհական») համարվող կալվածների տերերից (սեպուհներից), ինչպես Խբրենացիին է նշում՝ «ի զադմից թագաւորացն առաջնոց. որպէս և այժմ ի վրաց աշխարհին, որ սեփծուղն կոչի»⁶⁰: Այդ գնդերը, նույն պատմիչի վկայությամբ, համալրվում էին նաև մարդպետների տոհմից⁶¹:

Մարդպետության շրջանում «Սեպհական գնդի կողմանք»-ի հայ նախարարությունները. բնականաբար, չէին կարող ուժեղ շեշտված ինքնուրույն ուղղություն ցուցաբերել, բանի որ պարսից աղղիցությունն ու հսկողությունը տակավին մեծ էին այնտեղ: Հայաստանում, հատկապես հարավային գավառներում, բուն էր դրել քրիստոնեական եկեղեցին ալեկոծող նեստորականությունը, բեր լայն աշակցություն էր վայելում պարսից արքունիքի կողմից: Այս աղանդի դեմ պայքարելու նպատակով 555 թ. հրավիրված եկեղեցաժողովին կաթողիկոսը հատուկ ուղերձով հրավիրում է Արծրունյաց, Ռշտունյաց, Մոկաց և Հարավային Հայաստանի մյուս եպիսկոպոսներին, սպառնալով մերժման դեպքում կարգալույծ անել նրանց⁶²: Սակայն կաթողիկոսին արձագանքում են միայն Արծրունիները, Պալունիները և Մեհնունիները: Մյուս տոհմերի լռությունը հետևանք էր Սասանյաններին հակադիր դիրքավորմանը (թեկուզ դա լիներ նեստորականության դեմ պայքարելու ձևով) չհարելու մտայնության: Ժողովից հետո հուսախաբված կաթողիկոսը նորից է դիմում Արծրունի եպիսկոպոսներին («Գիրք թղթոցում»՝ Արծրունի և Մարդպետական եպիսկոպոսներին)⁶³. հանգամանք, որ վկայում է այդ տոհմի ինքնուրույնության և մեծ աղղիցության մասին: Արծրունիների աղղիցությունը էլ ավելի է ուժեղանում հետագայում՝ VII դարում, երբ Հայաստանը տիրեցին արաբները: Այս շրջանում Վասպուրականի նախարարները (Ռշտունի, Անձևացի, Բագրատունի, Ամատունի, Ակեացի, Տրպատունի և այլն) կորցնելով իրենց ինքնուրույնությունը կամ նեղվելով Արծրունիներից, գերադասում են համագործակցել վերջիններիս, դառնալով նրանց հպատակները: Այս մասին վկայում են հայկական աղբյուրները: Այսպես, մի «ոսկևիորիկում» Թեոդորոս Ռշտունին անվանված է «Իշխան Արծրունեաց»⁶⁴: Ընդամիս, Հովհան Մամիկոնյանը Հայաստանի մարդպան Վարդ Պատրիկ Ռշտունուն (506—509) նույնպես անվանում է «Իշխան Արծրունեաց»⁶⁵: 762 թ. Արծրունիներն արդեն հիշվում են որպես Վասպուրականի տիրակալ-

59 Խորենացի, էջ 104—105:

60 Նույն տեղում, էջ 105:

61 Նույն տեղում, էջ 105: Թերևս սա ևս առիթ է ծառայել Մարդպետական և «սեպհական գունդը» նույնացնելուն:

62 «Գիրք թղթոց», էջ 70:

63 Նույն տեղում, էջ 76:

64 Տե՛ս Շառունգ Բագրատունի. Պատմութիւն, էջմիածին, 1921, էջ 25:

65 Հովհան Մամիկոնեան, Պատմութիւն Տարօնոյ, Երևան, 1941, էջ 149. տե՛ս նաև Ե. Լալայան, Ցուցակ հայերեն ձեռագրաց Վասպուրականի, I, Թիֆլիս, 1915, էջ 318:

ներ, որոնք արյան գնով պաշտպանում են նահանգը արաբներից⁶⁶, Կարծիցյալ Շապուհ Բագրատունու մոտ Տաճատ Անձեացին հանդես է գալիս նաև Տաճատ Արծրունի անունով⁶⁷, նույն մատենագրի մոտ Գաղիկ Ապումրվանին սպանող Ամատունի եղբայրները դարձյալ անվանված են Արծրունի⁶⁸, VII—VIII դարերում Վասպուրականն ապրում է քաղաքական ամբողջացման բարդ պրոցես, որը ամենից առաջ հետևանք էր արաբական տիրապետությունից երկիրը հնարավորին չափով զերծ պահելու նպատակադրման: Վասպուրականի հայազատանու բնկորները համախմբվում են Արծրունիների շուրջը, որոնք Բագրատունի և Սյունյաց տների հետ ստանձնում են Հայաստանի քաղաքական կյանքի առաջատար ուժի դերը: 850—851 թթ. ազատագրական ապստամբության նախօրյակին Արծրունիների շուրջը համախմբված ենք տեսնում արդեն Հսրավային, Հայաստանի իշխաններից շատերին՝ Բագրատունիներին, Ամատունիներին, Կնունիներին, Ընտրունիներին, Ապահունիներին, Քաջբերունիներին, Հավնունիներին, Գաղրիկյաններին, Վահեունիներին, Ակեացիներին, Անձեացիներին, Մարացյաններին (Մուրացան) և ուրիշներին⁶⁹: Վասպուրականում Արծրունիների անբաժան տիրապետությունը սկզբնապես նպաստում էր հալոյ: Թագավորությունը վերականգնելու ուղղությամբ Բագրատունիների ներդրա՜յ ջանքերին, բայց X դ. սկզբից փոխվում է իրադրությունը: Բագրատունիների հետ Արծրունիների ուժեղացող մրցակցությունը պսակվում է Վասպուրականում առանձին թագավորության հռչակմամբ, մեծապես վնասելով Հայաստանի միասնությունը:

МАРДЫ В ВАСПУРАКАНЕ

В. М. ВАРДАНЯН

(Р е з ю м е)

В статье освещаются вопросы, касающиеся племени мардов, нахарарства Мардпетов, и названия области Васпуракан. Будучи одним из неармянских племен древней Армении, марды проникли туда в основном во времена мидийского господства. Впервые о мардах упоминает Ксенофонт в «Кюропедии». Марды в Армении использовались в качестве наемной силы. Название их перешло к нахарарству, которое соответственно называлось мардпетутюн и сыграло выдающуюся роль в политической жизни Армении. Мардпеты и Аршакидокие цари в своей централизаторской политике опирались на мардов и с их помощью вели борьбу против центробежных сил. Мардпеты соперничали также и с армянским духовенством. Поместья этого нахарарства в основном находились на территории области Васпуракан. Цель Мардпетов состояла в расширении поместий и сферы политического влияния. После упадка Аршакидов Мардпеты, утратив свои позиции, сочли за лучшее в союзе с Арцрунидами бороться против Сасанидов (450—451 гг.). При марзпанстве поместьями Мардпетов распоряжался персидский двор. Название мардов сохранилось в некоторых топонимических именах.

⁶⁶ Ղ և ո ն դ Վ ար դ ա պ ե տ, Պատմություն, Ս. Պետերբուրգ, 1887, էջ 130—131:

⁶⁷ ՏԵՍ Շ ա պ ու հ Բ ա գ Ր ա տ ու ն ի, էջ 52:

⁶⁸ Նույն տեղում, էջ 69:

⁶⁹ Թ ո վ ժ ա Ա Ր ծ Ր ու ն ի, էջ 185—186: